

精校
張氏醫通

上海錦章書局
出版

亥 22
4-4



自序

嘗讀仲景書。止言舌白胎滑。並無黃黑刺裂。至金鏡錄始集三十六圖。建後觀舌心法。廣至一百三十有七。何後世症變之多。若此。宜知傷寒自表傳裏。舌胎必由白滑而變他色。不似伏邪瘟疫等。熱毒自內達外之一病。便見黃黑諸胎也。觀仲景論中。一見舌白胎滑。即言難治。安有失治而致變者乎。所以仲景止言白胎已見一斑。不煩瑣屑。後人無先聖治未病之能勢。不得不反覆辨論。以啟蒙昧。蓋邪氣入裏。其虛實寒熱之機。必現于舌。非若脈法之隱而不顯也。況陰盛格陽。與邪熱鬱伏。多有假症假脈。惟驗舌上胎色之滑燥厚薄。昭若冰鑑。無所遁形。由是取觀舌心法。正其錯誤。削其繁蕪。決其無預于傷寒者。而忝入家大人治按所紀。及已所親歷。共得百二十圖。命曰傷寒舌鑑。授之剞劂。以公同志。臨症之一助云。

康熙戊申如月誕先張登書於雋永堂

傷寒舌鑑目錄

白胎舌 二十九圖

黃胎舌 一十七圖

黑胎舌 一十四圖

灰色舌 一十一圖

紅色舌 二十六圖

紫色舌 一十二圖

微醬色胎舌 三圖

藍色胎紋舌 二圖

妊娠傷寒舌 六圖




南京中醫藥大學圖書館藏

白胎舌總論


傷寒邪在皮毛。初則舌有白沫。次則白涎。白滑。再次白屑。白疤。有舌中舌尖舌根之不同。是寒邪入經之微甚也。舌乃心之苗。心屬南方火。當赤色。今反見白色者。是火不能制金也。初則寒鬱皮膚毛竅。不得疏通。熱氣不得外泄。故惡寒發熱。在太陽經。則頭痛身熱。項背強腰脊疼等症。傳至陽明經。則有白屑滿舌。雖症有煩躁。如脈浮緊者。猶當汗之。在少陽經者。則白胎白滑。用小柴胡湯和之。腎虛者。理中湯溫之。如白色少變黃者。大柴胡大小承氣分輕重下之。白舌亦有死症。不可忽視也。




白胎黃心舌



厚白滑胎舌



微白滑胎舌



此太陽經初傳陽明府病舌也若微黃而潤宜再汗待胎燥裏症具則下之若煩躁嘔吐大柴胡湯加減亦有下淡黃水沫無稀糞者大承氣下之

病三四日其邪只在太陽故胎純白而厚却不乾燥其症頭疼發熱脈浮而緊鮮表白愈

寒邪初入太陽頭疼身熱惡寒舌色微白有津香蘇散羌活湯之類發散之

白胎黃邊舌



乾厚白胎舌



薄白滑胎舌



舌中見白胎外有微黃者必作泄宜用解毒湯惡寒者五苓散


病四五日未經發汗邪熱漸深少有微渴過飲生冷積胸中營熱胃冷故令發熱煩躁四肢逆冷而胎白乾厚滿口白屑宜四逆散加乾姜

此太陽裏症舌也二三日未曾汗故邪入丹田漸深急宜汗之或太陽與少陽合病有此舌者柴胡桂枝湯主之




北京中医药大学图书馆藏

舌心黑胎白乾




此陽明府兼太陽舌其胎
邊白中心乾黑者因汗不
微傳至陽明所致必微汗
出不惡寒脈沈者可下之
如二三日未曾汗有此舌
必死

舌乾刺黑滿胎白




白胎中生滿乾黑芒刺乃
少陽之裏症也其症不惡
寒反惡熱者大柴胡加芒
硝急下之然亦危症也

舌滑白邊半




白胎見於一邊無論左右皆
屬半表半裡並宜小柴胡湯
左加葛根右加茯苓有欬嗽
引脇下痛而見此舌小青龍
湯夏月多汗自利人參白虎
湯

舌刺灰尖胎滑白




此陽明府兼少陽舌也三
四日自利脈長者生弦數
者死如有宿食用大承氣
下之十可全五

舌心黑胎滑白



白胎中黑為表邪入裏之
候大熱譫語承氣等下之
倘食復而發熱或利不止
者難治


舌滑白結藏



或左或右半邊白胎半邊
或黑或老黃者寒邪結在
藏也黃連湯加附子結在
咽者不能語言宜生脈散
合四逆湯可救十中一二




白胎黑斑舌




白胎中有黑小斑點亂生者。乃水來剋火。如無惡候。以涼膈散承氣湯下之。十中可救一二。

白胎黑根舌




舌胎白而根黑。火被水剋之象。雖下亦難見功也。

白胎雙黃舌




此陽明裏症舌也。黃乃土之色。因邪熱上攻。致令舌有雙黃。如脈長。惡熱轉失。氣煩躁者。大柴胡調胃承氣下之。

白胎燥裂舌




傷寒胸中有寒。丹田有熱。所以舌上白胎。因過汗傷營。舌上無津。所以燥裂。內無實熱。故不黃黑。宜小柴胡加芒硝微利之。

白胎黃根舌



邪雖入裏。而尖白末黃。不可用承氣。宜大柴胡加減。下後無他症。安卧神清。可生。倘再有變症。多凶。


白胎雙黑舌



白胎中見黑色兩條。乃太陽少陽之邪入於胃。因土氣衰絕。故手足厥冷。胸中結痛也。理中湯瀉心湯運用。如邪結在舌根咽嗑。而不能言者。死症也。




舌色灰雙胎白



此挾冷食舌也七八日後見此舌而有津者可治理中四逆選用無津者不治如乾厚見裏症則下之得湯次日灰色去者安

舌紅尖胎白



滿舌白滑而尖却鮮紅者乃熱邪內盛而復感客寒入少陽經也小柴胡湯加減

舌黃變胎白




少陽症罷初見陽明裏症故胎變黃色兼失氣者大柴胡湯下之

舌根黑紅中尖白




舌尖白而根反黑少陽邪熱傳厥熱極而傷冷飲也如水停津液固結而渴者五苓散自汗而渴者白虎湯不利而渴者解毒湯如白尖少黑根多中不甚紅者難治

舌紅中胎白



此太陽初傳經之舌也無汗者發汗有汗者解肌亦有少陽經者小柴胡湯加減

舌根紅尖白



舌尖胎白邪在半表半裏也其症寒熱耳聾口苦胸痛脈弦小柴胡湯和解之



淡白透明舌




透明

熟白舌



純熟白

白胎尖反根黃舌



黃
白
灰

年老胃弱。雖有風寒不能
變熱。或多服湯藥。傷其胃
氣。所以淡白透明。似胎非
胎也。宜補中益氣。加減治
之。

白胎老極。如煮熟。相似者
心氣絕。而肺色乘於上也
始因食瓜果冰水等物。陽
氣不得發越。所致為必死
之候。用枳實理中。間有生
者。


此大陽濕熱。併于陽明也
如根黃色。潤目黃。小便黃
者。茵陳蒿湯加減。

白胎如積粉舌



胎如積粉

白胎尖俱黑根舌



黑
白
黑

此舌乃瘟疫初犯募原也
達原飲見三陽表症。隨經
加柴胡葛根羌活。見裏症
加大黃。


舌根尖俱黑。而中白。乃金
水太過。火土氣絕于肉。雖
無凶症。亦必死也。



黃胎舌總論


黃胎者裏症也傷寒初病無此舌。傳至少陽經亦無此舌。直至陽明府實胃中火盛火乘土位故有此胎。要分輕重。瀉之初則微黃。次則深黃有滑。甚則乾黃焦黃也。其症有大熱大渴便秘譫語痞結自利或因失汗發黃。或畜血如狂皆濕熱太甚。小便不利所致。若目白如金。身黃如橘。宜茵陳蒿湯五苓散。梔子檳皮湯等。如畜血在上焦。犀角地黃湯。中焦。桃仁承氣湯。下焦。代抵當湯。凡血症見血則愈。切不可與冷水飲之。必死。大抵舌黃症雖重。若脈長者。中土有氣也。下之則安。如脈弦下利。舌胎黃中有黑色者。皆危症也。

純黃微乾舌




舌見黃胎胃熱之極土色見於舌端也急宜調胃承氣下之遲則恐黃老變黑為惡候耳。

黃乾舌




舌見乾黃裏熱已極急下勿緩下後脈靜身涼者生反大熱而喘脈躁者死

微黃胎舌



舌微黃而不甚燥者表邪失汗而初傳裏也用大柴胡湯若身目俱黃者茵陳蒿湯

黃胎黑滑舌



舌黃而有黑滑者陽明裏症具也雖不乾燥亦當下之後身涼脈靜者生大熱脈躁者死


傷寒舌鑑

四



約大學圖書館

舌斑黑胎黃




黃胎中亂生黑斑者其症必大渴譫語身無斑者大承氣下之如脈濇譫語循衣摸床身黃斑黑者俱不治下出稀黑糞者死

舌瓣陽黃老




舌黃乾濇而有陽瓣者乃邪熱入胃毒結已深煩躁而渴者大承氣湯發黃者茵陳蒿湯少腹痛者有瘀血也抵當湯結胸大陷胸湯

舌根灰胎黃




舌根灰色而尖黃雖比黑根少輕如再過一二日亦黑也難治無煩躁直視脈沈而有力者大柴胡加減治之

舌尖通黑中胎黃




黃胎從中至尖通黑者乃火土燥而熱毒最深也兩感傷寒必死惡寒甚者亦死如不惡寒口燥咽乾而下利臭水者可用調味承氣湯下之十中可救四五口乾齒燥形脫者不治

舌尖黃



舌尖胎黃熱邪初傳胃府也當用調味承氣湯如脈浮惡寒表症未盡大柴胡兩解之


舌根紅尖黃



根紅而尖黃者乃濕熱乘火位也瘟熱初病多有此舌涼膈解毒等藥消息治之



舌根黑尖黃



凡舌黑根多而黃尖少者。雖無惡症惡脈誠恐暴變一時。以胃氣竭絕故耳。

舌滿脹大黃




舌黃而脹大者。乃陽明胃經濕熱也。症必身黃便秘煩躁。茵陳蒿湯如大便自利而發黃者。五苓散加茵陳。梔子黃連等治之。

舌六白根黃




舌根黃尖白。乃表邪少而裏邪多也。天水散涼膈散合用。如陽明無汗。小便不利。心中懊惱者。必發黃。茵陳蒿湯。

舌刺黑胎黃




舌胎老黃極而中有黑刺者。皆由失汗所致。毒邪內陷。已深急用調胃承氣下之。十中可保一二。

舌根白尖黃



舌根白尖黃。其色倒見。必是少陽經傳陽明府病。若陽明症多者。大柴胡湯少。陽症多者。小柴胡湯。如讞語煩躁者。調胃承氣湯。

舌六灰根黃



舌乃火位。今見根黃尖灰。是土來侮火也。不吐不利。心煩而渴者。乃胃中有鬱熱也。調胃承氣加黃連。

黃根白尖短縮舌

黃赤白

舌見根黃尖白而短硬不燥不滑但不能伸出症多譏妄煩亂此痰挾宿食占據中宮也大承氣加薑半主之

黑胎舌總論

傷寒五七日。舌見黑胎最為危候。表症皆無此舌如兩感一二日間見之必死若白胎上漸漸中心黑者是傷寒邪熱傳裏之候。紅舌上漸漸黑者乃瘟疫傳變壞症將至也。蓋舌色本赤。今見黑者乃水來剋火水極似火。火過炭黑之理。然有純黑。有黑暈有刺有隔瓣。有瓣底紅。瓣底黑者。大抵尖黑猶輕。根黑最重。如全黑者。總神丹亦難救療也。

純黑舌

黑

遍舌黑胎。是火極似水藏。氣已絕脈必代結。一二日中必死。切勿用藥。


黑胎瓣底紅舌



黃胎久而變黑。實熱亢極之藥。又未經服藥。肆意飲食。而見脈伏目閉口開。獨語譏妄。醫遇此症。必掘開舌胎。視瓣底紅者。可用大承氣下之。




舌黑底辦胎黑




凡見辦底黑者不可用藥
雖無惡候脈亦暴絕必死

舌黑底刺




刺底黑者言刮去芒刺底
下肉色俱黑也凡見此舌
不必辨其何經何脈雖無
惡候必死勿治

舌胎滑白邊黑中



舌見中黑邊白而滑表裏
俱虛寒也脈必微弱症必
惡寒附子理中湯溫之夏
月過食生冷而見此舌則
宜大順冷香選用

舌紅底刺黑滿




滿舌黑胎乾燥而生大刺揉
之觸手而响振開刺底紅色
者心神尚在雖火過極下之
則生有肥感多濕熱人感冒
發熱悶亂痞脹一見此舌急
用大陷胸丸攻下後與小陷
胸湯調理

舌嚙自爛黑



舌黑爛而頻欲嚙必爛至
根而死雖無惡候怪脈切
勿用藥

舌滑黑中邊紅





舌黑有津症見譫語者必
表症時不曾服藥不戒飲
食冷物粘滯于胃也虛人
黃龍湯或枳實理中加大
黃壯者用備急丸熱下之
夏月中暈多有此舌以人
參白虎湯主之



舌瘦枯胎無中黑

舌 焙 中

舌白邊乾黑尖通



傷寒八九日。過汗津枯血燥舌無胎而黑瘦大便五六日不行。腹不硬滿神昏不得臥。或時呢喃歎息者。灸甘草湯。



舌胎中心黑厚而乾為熱感津枯之候。急宜生脈散合黃連解毒湯以解之。

兩感一二日間。便見中黑邊白厚胎者。雖用大羌活湯。恐無濟矣。

舌短乾黑

舌燥乾胎無黑中


舌紅微內暈邊黑



舌至乾黑而短厥陰熱極已深。或食填中脘。膜脹所致。急用大劑大承氣下之。十中可救一二。服後糞黃熱退則生。糞黑熱不止者死。

舌黑無苔而燥。津液受傷。而虛火用事也。急宜生脈散合附子理中主之。


舌邊圍黑。中有紅暈者。乃邪熱入於心胞之候。故有此色。宜涼膈合大承氣下之。



灰色舌總論


灰色舌有陰陽之異。若直中陰經。則即時舌便灰黑而無積胎。若熱傳三陰。必四五日表症罷而胎變灰色也。有在根在尖在中者。有渾舌俱灰黑者。大抵傳經熱症。則有灰黑乾胎。皆當攻下泄熱。若直中三陰之灰黑無胎者。即當溫經散寒。又有畜血症。其人如狂或瞑目譫語。亦有不狂不語。不知人事。而面黑舌灰者。當分輕重以攻其血。切勿誤與冷水引頰敗血入心。而致不救也。

舌 中 灰




灰色現於中央。而消渴氣上冲心。飢不欲食。食即吐。此者。此熱傳厥陰之候。烏梅丸主之。

舌 裂 紋 乾 胎 黑 灰




土邪勝水。而舌見灰黑紋裂。涼膈調胃。皆可下之。十中可救二三。下後渴不止。熱不退者。不治。

舌 灰 純



舌灰色無胎者。直中三陰。而夾冷食也。脈必沈細。而遲。不渴。不煩者。附子理中。四逆湯救之。次日舌變灰中有微黃色者。生。如漸漸灰縮乾黑者。死。


舌 赤 中 尖 黃 根 灰




舌根灰色。而中紅尖黃。乃腸胃燥熱之症。若大渴譫語。五六日不大便。轉失氣者。下之。如溫病熱病。惡寒脈浮者。涼膈雙解選用。




舌滑墨中灰



舌尖黑灰



舌暈重色灰




淡淡灰色中間有滑胎四五點如墨汁此熱邪傳裏而中有宿食未化也大柴胡湯


已經汗解而見舌尖灰黑有宿食未消或又傷飲食邪熱復感之故調味承氣湯下之

此瘟病熱毒傳遍三陰也熱毒傳內一次舌即灰暈一層毒盛故有重暈最危之症急宜涼膈雙解鮮毒承氣下之一暈尚輕二暈為重三暈必死亦有橫紋二三層者與此重暈不殊


舌少根黃多黑灰



舌刺乾尖黑灰



舌刺乾黑灰



舌灰色而根黃乃熱傳厥陰而胃中復有停滯也傷寒六七日不利便發熱而利汗出不止者死正氣脫也

舌尖灰黑有刺而乾是得病後又加飲食之故雖症見耳聾脇痛發熱口苦不得用小柴胡必大柴胡或調胃承氣加消導藥方可取效

反黑舌中又有乾刺而見咽乾口燥喘滿乃邪熱結於少陰當下之然必待其轉失氣者方可下若下之早令人小便難